

OMUKWETU

No. 17

Registered at the GPO as a Newspaper

15c

ELOK OTA FALA OMUSHUNO GWEVAANGELI KUEUROPA

lilyo 10 yomOngundulwii-mbo ya ELOK, ya thikama maakiintu yatano naalumentu yatano, mwa kwatelelwa meme M.Kambudu, omuwilikimusiki mu ELOK, nomutaleliskola omusitaHosea Nampala, aalongi naya-lwe, oya thikamene meti 20 Aguste 1980 okuya kOvenda, nkoka taa ka za meti 23/8/80 nokuukilila kuHelsinki. Olweendo nduka olwa fanekwa talu kala sigo 22/10/80 sho taa ka galukila ishewe kuNamibia.

Omumbisofi gwongeleka, K. Dumeni mepopitholaleko lye, ndyoka lya thikithilwa oonakuzapo kuAmushanga P. Shipena, okwa tumbula ngeyi:

—One aatumwa ya ELOK, faleni Evaangeli kuEuropa.

—Onawa okangundu keni, ka kale okangundu kegalikano. "Indileni e tamu pewa " Mat.7:7. Galikaneni mwaa na ezimbuko, 1 Tess.5:17.

—Inamu pitika mu sindwe kuuwinayi. Ongundu yeni oyo ekundo lya ELOK lya gwana kongeleka yomuSoomi nokuSwede, onkene itatu gandja ekundo lilwe.

—Otandi mu gandja kOmu-muwa Jesus, opo e ke mu yakule=one iiyakulitho. Omuwa Jesus ne mu yakule opo mu vule okuyakula. Ote mu yambeke opo mu wape okufaalela omayambeko kuyalwe.

Omumbisofi okwe ya kumagidha ya kale wo aapethi-mbo apehe, opo shi popile ombili kwaayehe nokwe ya dhimbulutha wo nkene yo ye na aagalikaneni oyendji mpaka naankoka taa yi ko. Okwa hulitha nokuholola kutya Jesus Kristus oye omudhiginini ote shi gwani-tha oku ya fala noku ya galulila kegumbo. 1 Tess.5:23-25.

Uuyenda wongundu ndjino otau ka kala momagongalo nomoosikola, momalongelokalunga nomoohungi. Oshikalimo ashihe sholweendo osho okuuvitha evaangeli

gwomumbisofi M. Juva, no-sho tuu oshiputudhilohala, **Sibelius - Akademia moka M. Kambudu** a putudhilwa uumusiki we.

Konima yokutalelapo Soomi, okuza 8/10 oye li molweendo yu uka kuSweden, nkoka taa ka ziilila ya taalela iipala kegumbo, meti 22/10/80.

Olweendo nduka olwa kundathanwa ethimbo ele kE-pangelongeleka ngaashi lya ninga etokolo lyawo meti **28-29.12.1977**, oshitokolitho **341**, nonando pwa kala nokulunduluka kwomadhina gaantu ya uthilwa okuya ko,



Omusita Hosea Nampala omuwiliku gwosheendo



lyomoondjimbo mokati kaakriste yomuSkandinavia - Finland nomuSweden.

Yimwe yomiilando tayi talelwa po ongaashi: Helsinki, Porvoo, Tapiola, Parkano, Lapua, Muonio Oulu, Kuopio, Pieksamaki, Haukivuori, Mikkeli, Turku, momutumba

omolwepiyagano lyethimbo ndika muNamibia.

Aakriste ngaashi ya tameka nale okugalikanena oshendo shaatumwangeleka mbano, osho taa tsuwa omukumo okugalikanena, opo Omuwa, kuudhiginini we, e ya endithe noku ya galulile nombili kevi lyetu.

Osheendo shovaimbi va ELOK kuEuropa

Omafano kougumwe tala kep. 4

Olwindji ohatu idhiladhila kutya tse aankundi noitatu vulu okuninga sha shi na oshilonga. Medhiladhilo ndika omu na oshili, kutya itatu vulu sha otse atuke, ihe otu na okukambadhala tu uvitheko yakwetu, opo atuhe tu vule okwaadha nokutunganga sha. Aakwanegongalo yetu otaa pumbwa omauyelele kombinga yegongalo lyawo, kutya iiniwe otayi longo shike notayi longithwa ngiini. Omolwashoka ku na oongalo dhomomagongalo, miitayingeleka nodhoshikethangeleka.

Oku na aakwanegongalo taa dhiladhila kutya kombelewangeleka oku na iimaliwa ya gongelwa ko nonkene omagongalo otaga inekele omakwatho ga ze kombelewangeleka. Ongeleka oyi li peni, ndishi omegongalo, momukunda nomegumbo. Oshiketha shopokati shongelekangeleka osha tungwa noshaa thikama komagongalo.

IINAKUGWANITHWA YOMAGONGALO

Omagongalo ohaga nyanyukwa sho taga vulu okutsakanitha oompumbwe dhago, e taga etha okukoleka oshiketha shopokati shongeleka ayihe, shika itashi etele ongeleka esindano miiniwe. Omagongalo ngele otaga thigi iilonga niinakugwanithwa yongeleka ayihe momake gekwatho tali zi pondje, shika otashi fala ongeleka ayihe muunkundi wiiniwe. Egongalo kehe oli na okuthikama kulyo lyene painiwe nokukoleka oshiketha shopokati shongeleka ayihe nokukwatha metsakanitho lyiilonga yombelewangeleka. Ongeleka ngele tayi simanekwa, esimano ndyoka olyomagongalo gayo, oshoka omagongalo ogo ongeleka.

Ongeleka ndjoka tayi kala ya kankamekela eipangelo lyayo painiwe li ze komahangano gopondje, itayi talwayi ithikamena. Otayi talwayi tina notayi vulu ashike okweenda nekwartho lyomampango.

Euveko lya tya ngeyi otali tegelelwa kombelewangeleka li kale noli tulwe miilyo yomagongalo noyongeleka yetu. Opo iiniwe yi gongelwe noyi hedhithe iilonga komeho pamulandu ngaashi tagu landula:

- pamagongalo
- pashitopolwa
- pashilongo
- paigwana (ekwatho lyopondje) ngele tali monika, oli na okukala monkatu ya hugunina.



Elalakano lyongeleka kehe oli na okukala lya adha eithikameno miilonga nomiiiniwe yalyo. Ongeleka yoyene pamagongalo gayo otayi vulu okukutha ko oongaku noku ya metokolo lyopondje nenge nokuli nokwaa li pula. Ondjila ndjika oyo ombwanawa noyi na ukolele. Ngaashi omagongalo oge ndji ga sindana mokwiitungila oongeleka dhoshinana, mpaka otapu pumbiwa okumona uyelele nkene tashi ningwa.

Ope na aantu yamwe haa yekelele okutopola oongeleka moongundu mbali: oongeleka oogandji noongeleka oontambi. Shika osha puka. Kape na ngoka e lile po ashike okugandja nangoka e lile po ashike okutaamba. Kehe ngoka oku na okukala omugandji nomutaambi wo. Shoka ombelewa ngeleka tayi tegelele komagongalo kombinga yiiniwe osho:

- Omagongalo ga kondje gi ithikamena painiwe
- Omagongalo ga koleke oshikethangeleka
- Euveko nawa lyomagongalo, kutya ogo olunza lwa simana nolwotango miiniwe nomiilonga yongeleka ayihe. Uukolele

wiiketha yomagongalo owo ukolele woshiketha shopokati shongeleka ayihe.

- Omauyelele pamakwathano goongeleka. Oshowo oompumbwe ndhoka omagongalo taga nyengwa oku dhi mona kugo gene notaga pula ekwatho lyombelewangeleka pamambestelo.

Shoka omagongalo taga tegelele kombelewangeleka kombinga yiiniwe:

- Omagongalo itaga tegelele ko sha nando shopainiwe.
- Otaga tegelele shila ekwatho medhigininoma mbo uuna sha pumbiwa.
- Okutalelwa po pamalufu, ngaashi tashi vulika nokukolekwa pambepo.
- Omauyelele mekwatathano noongeleka nomahangano meni nopondje.
- Okukongelwa oompumbwe dhopailonga ngaashi iyakulitho yi ili noyi ili mbyoka itaayi monika nenge itaayi adhika nuupu komagongalo.
- Ekwatho miinima yopainiwe kali shi kutegelelwa nokwiinelwa li ze ando kombelewangeleka pondjigilile nopamalweetho.

Ano oshilyo kehe sha ELOK shi kambadhale esimano lya ELOK lya kale ashike muwindji womiyalu, ihe li kale sho ELOK ta kambadhala okuthikama komagulu ge mwene nokweenda kee na omampango. Aniwa, "Ombuku yi na mwene ihayi lunguna mushila."

Aantu ayehe naya galikanenwe

Ano tangotango otandi kumagidha ku ningwe omaindilo nomagalikaneno nomahambeleso omolwaantu ayehe. Naakwaaniilwa naakuluntu ayehe, opo tu kale tu na ombili metilokalunga alihe, nomuukuluntu, osho oshiwana noshu opalela Kalunga gwetu. Oongoka a hala aantu ayehe ya hupithwe noya tseye oshili 1 Tim.2:1-4.

Egalikano olyo oonkundathana dhomuntu naKalunga. Megalikano otatu tseyithile Kalunga uudhigu wetu, nenge omapandulo getu. "Uuthigona weni u tseyithileni Kalunga momaindilo pamwe nomahambeleso."

Tseni yopethimbo ndika otu li muudhigu, ihe otatu kotha ombonyo, tatu li tse tatu nu, ndele ethimbo lyo lyene otali shi popi, kutya tonata, galikana. "Ngoye u ithane ndje esiku lyuudhigu woye, ngame notandi ku hupitha ngoye e to simaneke ndje." Ps.50:15.

Omuikulili gwetu okwe tu pa iiholelwa yegalikano, manga a li kombanda yevi, olwindji okwa kala hi ikalele muuwike a kale megalikano, Mark.14:38. Omolwethimbo edhigu lyemakelo tali mu adha, okwa pula ehala lyahe Kalunga, ye e mu pe oonkondo oonkwagulu, opo a vule okuya mekondjo. Tseni yopethimbo ndika, otu na okukuga kuTate Kalunga ethimbo kehe, tatu shi ningi medhina lyaJesus. Otu shi shi shili, tate megulu otu uvu omaigidho getu. Ihe tangotango otatu indile edhimopo lyoondjo tu silwe ohenda.

"Ongame nda taalela Omuwa Kalunga nonde mu kongitha okugalikana, nokwiindila, okwiidhilika oondya nda zala ehahi, nonda gwaya omutoko. Ongame nonda galikana Kalunga kandje nda hempulula nonda ti: Akutu Omuwa ongoye Kalunga omunene nomutilithi, ehanganano nohenda, ongoye ho dhiginine mboka ye ku hole, nohaa gwanitha iipango yoye," Dan9:3-5.

Omuwilikingeleka okwa li a popitha ooitaali ta ti: Egalikano nali hanyekwe momagumbo, momagongalo, na unene mOsoondaha konima yelongelokalunga, shi ningwe nando ominute dhimwe. Tate Kalunga ita kala inaa yamukula omapulo getu, sho tatu mu pulagula tse tatu mu igidhagula.

Tala kep. 3

JESUS OTA GANDJA OMWENYO

Oshoka ngashi naanaa he ta yu-mudha aasi nota gandja omwenyo, osho wo omwana ota gandja omwenyo kumboka a hala." Joh. 5:19-21.

Omuvali gumwe okwa luku omwana edhina SHIWOMWENYO", kokutya oshiwana wu na omwenyo. Ye omukulu gwonala ta ti: "Omwenyo kagu tulwa pokakangwa." Eeno omwenyo ogwo oshinima oshiwana shi na ondi-lo nosha halika kwaayehe.

Ando okwa li omwenyo hagu vulu okulandwa ando kape na Thigalanima. Shaagumwe ando ota kala i ilongekidha okugandja ashihe e na opo a kale e na o ashihe e na opo a kale e na omwenyo aluhe, ye kaa se nando.

Eso olyo omutondi gwomwenyo, onkee oli li oshinima oshiwana yi nokapu na ngoka e li hala. Uumbanda wokutula eso, owo wa kala tau hepeke ookuku yonale muuyuni wawo. Oya li ya ningi ashihe taa vulu opo ya yande eso. Oya yambeke aakwampungu naathithi, opo ye ya ethe ya kale muuyuni mbuka noye ya popile wo. Oyi iyane-keletha noya kongo omakwatho miigegeti nomoohula, opo ya yande eso. Oyendji oya manene omaliko gawo mokupangwa nokwanekelelwa. Nuuna eso lya holoka pokuma, nena osha talwa kutya ope na ngaa ngoka e li eta. "Aantu kaa sa inaa liwa," osho hashi tumbulwa sigo onena. Eeno shili, oshiwana omwenyo, ngaashi omuluki ta ti.

Ndongo onena eso oli li oshihalukithi nomutilithi omunene. Omuntu kehe okwa hala ashike omwenyo. Tse ongaakriste, aakwanezimo lyaJesus Kristus ngoka a sindi eso, otu na ompito yokukala tu nomwenyo aluhe. Oshoka omukuluntu gwezimo lyetu, oye Jesus ngoka ta ti: "Ngashika naanaa He ta yumudha aasi nota gandja omwenyo, osho wo Omwana ta gandja omwenyo kumboka a hala.

Tse aakriste otwa tseya mpokapu na omwenyo. Oshoka Ombibeli otayi ti: "Osho ngeyi Kalunga a kala e hole uuyuni, oye a gandja epona lye opo shaa ngoka te mu itaale kaa kane, ihe a kale e na omwenyo gwaa-luhe"

Omwenyo ngoka gwolela notagu kalelele, omwenyo ngoka tagu gandjwa omagano oshali komuntu kehe keitaalo alike, kesilo-

henda alike, ou gu na muJesus Kristus, omuna gwaKalunga. Ongoye lela we gu sheyelwa, gu kale gwoye muuyuni mbuka nomuuyuni tau ya, uuyuni waaluhe. Kaakongimwenyo noonakuhala omwenyo amuhe, Jesus Kristus okwa gandja ombinzi ye yi ndondele pevi koshikulundu shaGolgota, opo u mone omwenyo molwe. "Oshoka oye okwa tsuwa omolwomayonagulo getu, okwa nyanyagulilwa oondjo dhetu. Egeelo lye mu ya opo tu kale tu nombili, notwa aludhwa kiilalo ye."

Kape na ompumbwe yasha omuntu u kambadhale okwiilandela omwenyo niinima yomuuyuni mbuka. To ikanithile omwenyo nena. Omwenyo owe gu pewa nale omagano kuJesus Kristus meso nomeyumuko lye. Gu taamba ashike meitaalo notagu kala shili gwoye sigo aluhe.

Matti I. Amadhila

EKONDJELO LOUKUMWE WONGELEKA

Hamushanga omukulunhu wOngongahangano yOvakwaluther, LWF, dr. Carl H. Mau (Jr.), mokupopifa ongudumhitifi yo LWF, moshongalele shayo shokomudo okwa ti: "Enaipalo longhalo mOumbuwanhu wAfrika otali pula eshukumiko la kola kepangelo laSouth Africa.

Moshipopwiwa shaye okwa ulika keindilo/tokolo loshoongalele sha kula sho LWF, osho sha li muDar es Salaam shaTanzania, 1977.

Eindilo eli ola tile kutya onghalo yokatongotongo muSouth Africa otai fininike ongeleka iha longe pamukangha wehepalulo leitavelo laye. Dr. Mau okwa ti kutya otashi nyematifa eshi fiyo opapa oLWF inai uda elinyengo lasha kombinga yoilyongeleka yoOilumbu muAfrica lokOumbuwanhu, ngaashi kwa li da kungululwa koshoongalele. Eengeleka edi odi li ashike eepesenda nhano (5%) domomiliyona imwe yoVakwaluther mOumbuwanhu wAfrika.

Metokolo eli otamu tiwa yo kutya monghalo i li nawa ovakriste otava dula okukala ye na omadiladilo a yooloka kombinga yomapulo opapolitika nopanghalafano. Ashike omulandu wopa-

politika nopanghalafano otau dula okulundulukila mefininiko. Eshi otashi etifa opo ongeleka pamukangha wehepalulo leitavelo layo, i pangule noi eketeshi oinima ei, noi kondjele ku ningwe omalunduluko.

Omwa pulwa yo Oilyongeleka yoOilumbu muAfrica lokOumbuwanhu, i koneke / dimbuluke kutya onghalo yomu S.A. oya pumbwa eengeleka adishe di kondjife nodi pangule pouyelele omulandu wopakatongotongo, opo ku etwe po oukumwe mOngeleka. Opa pita paife eedula nhatu, eshi kwa li kwa ningwa etokolo eli. Dr. Mau ota ti kutya inaku hangika sha natango moshinima eshi, nokwa pumbiwa omikalo dimwe.

Hamushanga Mau okwa fatululila yo oshoongalele kombinga yonghalo muSouth Africa nomuNamibia, nghene tai naipala efiku keshe, neenghatu odo da kufwa keengeleka moitukulwa oyo. "O-twa pumbwa okuyandja omayeke, okulonga mekwatafano nomapangelo nOiwanahangano ku shukumikwe epangelo la S.A. moku-konga omukalo wopambili nouyuki, opo ku xulifwe po omaupyakadi moshilongo." osho dr. Mau a kumaida oilyo yoOnudumhitifi yo LWF.

Amushanga munene wo LWF dr Carl Mau

Mokuxulifa okwa ti kutya: "O-twa djuulukwa nohatu kondjele oukumwe mongeleka. Otu ta oku shi uda ko kutya oukumwe ou okwo okukondjifa eenghono depangelo londeveli, odo de tu dingilila notadi tu tukula ku we." (LWI)

Dha za kep. 2

Omunekadhi Ester okwa li a tumine Mordokaji omutekuli gwe a lombwele oshigwana shawo, shi idhilike iikulya, naye mwene naadhike ye osho taa ningi, ya galikanene oshigwana nomolwaasho Kalunga oku uvu omaigidho gawo yo inaa dhipagwa po we.

Tseni aakiintu, mboka Kalunga e tu ninga ooyina yoshigwana, tu galikaneneni oongundu dhaalumentu ya kanitha ehalo lyokugongala poohapu dhaKalunga. Ombe-po Ondjapuki yi penduthe muyo ondjuulukwe, nenota lyohapu yaKalunga. Tu galikaneneni aamatyona taa thigi po oosikola notaa kala a shike mehalakano, Omuwa Jesus a ngungumaneke ombepo dhawo. Opo oshigwana shetu ashihe shi kale metilokalunga. Oshigwana shi na Kalunga kasho Omuwa oshi na elago.

S.N.Kadhingula

OMAHALA GAAIMBI METANGA LYAWO

Meme Kambudu kOmulonga

Meme Magdalena Kambudu pamwe nongundu ye yolwiimbo mOngwediva, oya li ya talele po egongalo epe, Omulonga, eti 3. 8. 80. Konima yelongelokalunga, meme Kambudu okwa pewa ompito, opo a lombwele egongalo shoka she ya enditha. Okwa tameke ngeyi:

"Oondjimbo odha simana unene oshoka nomOmbimbeli omwa popiwa kombinga yoondjimbo, unene tuu membo lyEhololo noiyomuprofeti Jesaja, sho aayengeli yaKalunga taye mu imbile oondjimbo oombwanawa megulu. Manga nee megulu hamu imbwa oondjimbo dhokutanga Kalunga, nena natse wo otu na okwiilonga okwiimba oondjimbo manga tu li molutu nduka. Ngele twa mana oondjenda, tu vule she oku ka imbila Kalunga pamwe noitaali ooyakwetu megulu. Oondjimbo odha tameka nale mongeleka yetu ya ELOK, okuza tuu evaangeli sho lye ya mOwambo. Nonando kapwa li embo yomaimbilo, okwa li ngaa uumbo mboka u na omaimbilo ngaashi Okambo Kopeke."

Meme Kambudu okwa tsu egongalo omukumo opo ya longithe omaimbilo agehe ge li mehangano, oshoka agehe oga ziminya kOshigongingeleka 1966. Okwa kumagidha aakwanegongalo ya dhipage okatongotongo, yo ya longithe omaimbilo agehe (mOshindonga, Oshikwanyama noRukwangali), haangoka owala ge li melaka lyawo.

Okwa pula wo aatameki yomaimbilo momagongalo ya kale taya longo aakwanegongalo oongowela dhomaimbilo ngoka gaashiwike, andola tu 30 momvula. Okwe eta po enenedhiladhilo lyeuveko lyiitya nenge omatumbulu pombambo. Aniwa oshinima shika otashi talwa nawa, oshoka aatoloki inaya tala nawa oshinima shika.

Meme Kambudu okwa kumagidha aakwanegongalo ayehe ya kale haa yi kolwiimbo lwegongalo. Okwa ti olwiimbo nduka kalu shi lwaakuluntu ayeke, olwaakwanegongalo ayehe, kehe ngoka ha vulu okwiimba.

Meme Aino Dumeni okwa popitha wo egongalo. Tango okwe li etele omakundo ga zi kookuumme, sho a galuka molweendotalelopo lyoomwedhi 7 muEngland nomuSoomi. "Ooitaali ayehe hwiwaka otaye mu kundu, oya ti oye li pamwe natse megalikano, unene methimbo ndika edhigu moshilongo shetu," osho meme Dumeni a ti.

Okwa gandja wo omakundo gegongalo ga zi komumbisofi, sho opo a galuka molweendo lwe kombanda yomafuta.

Jesaja Kangulohi.



Magdalena Kambudu omuwiliki womusika mu ELOK ota imbi otango




Toivo Ndevaetela oteenule ile ombaafa



Jaakko Kangaji oteenule



Luise Kamati ewi etiyali



Ester Shigwedha omwiimbi gwewi lyotango



Mateus Nhinda ewi lyombaatha



Josef Indjamba oteenule



Wilhelmina Aipinge omwiimbi gwewi lyotango



Elizabeth Nangolo omwiimbi gwetiyali

OMOLWASHIKE ITAANDI VULU OKUKALA NUUTONDWE

Bishop Kivengere

Kape na malimbililo, omumbisofi Festo Kivengere, oye gumwe gwAauganda aanene. Moshinyolwa shika she, ota popi nomuthindo omunene kombinga yohole, okugalulila uuwinayi uuyuuki nuukaa-nuuyuuki mekwatathano naango-ka a li nale omupresidende gwa-Uganda, Idi Amin. Omumbisofi omukwawo naKivengere, Luwuni, gwOngeleka yaAnglikana okwa li a dhipagwa kaakwiita yaAmin. Oshiningwanima shika osha li sha thiminike omumbisofi Kivengere a fadhukile kuKenya.

Omumbisofi Kivengere ote ke ya kuSouth Africa ongomuyenda gwehangano Africa Enterprise nota ka ninga oshipopiwa noshigongi shehangano ndika.

Oshipopiwa shika she otashi tu opaleleni atuheni pethimbo ndika moshilongo shika shetu. Onkee natu shi ilesheleni atuheni. Osho shika tashi landula mpaka:

Kutse yomuUganda omadhimbulo-ko gomahepeko niuhuna mbyoka twa mona tseyene nomeho nenge twe yi uva ya ningwa omatalala natango momitse dhetu.

Tse atuhe otu na tilalo linene niyadhi ya kwata miiti momitima dhetu. Ihe ngaashingeyi oyo ethimbo lyokunyanyukwa. Okundanisa okututula uudhano nokwiimba momapandaanda. Emanguluko lyetu oye tu zile konza hoka inaatu tegelela li tu zile ko, nolya galulile omwenyo omutse.

Esiku limwe onda mono omutondi gwandje e li ikaha yowala kee na nando ondjembo. Ngaashingeyi pethimbo ndika ongame ndi li po ndi na ompito yokumona ondjembo.

Aakwetu otandi mu ningi ngiini? Nandi mu dhime po? Otashi politha mbela uyehame wandje? Uutapate wandje otu ka pwa po mbela? Ondi na okuninga ngiini?

Nandi dhimbwe uuyuni nokwiikutitha ooveta miikaha yandje mwe-ne, ndi mu dhipage, nenge ndi mu lemaneke? Nenge ano okwaanekwatho nokwaanetegameno kwandje, oko taku thiminike ndje ndi ninga oshinima sha tya ngeyi?

Shika mbela kashi shi okulandula oonkatu dhomuhepeki omunanyanya mokulongitha oonkondo oomposi nokudhipaga sho kee na sho ta vulu okulundulula omutondi gwe?

Otandi kala mbela nda yooloka naye ngele tandi pilukile moku galulila uuwinayi?

Otashi vulika u tye ngame sigo ompaka inandi ningila omutondi gwandje sha. Ihe momutima gwandje ondjahi nekehuko otayi koko notandi tungu uugumbo, ompangela dhaashoka ndi na okuninga uuna ompito ombwanawa tayi holoka".

Esiku limwe moshigongi muBurundi manga twa li tatu popi nomumwaameme gumwe, omugundjuka omuZaire gwoomvula dhi li po 25, okwa thikama pomutumba gwe nolya ya kutse ti indile a galikanenwe.

Oye okwa li omugundjuka a kola nawa kolutu, ihe omahodhi oga li taga tondoka momoho ge taga pononokele koompanda dhe. Okwa popi a ti: "Uule woomvula ne onda kala ndi li mondholongo yombepo yookwaadhiminapo aana-ndjo nangame. Konima yoomvula ne dha piti, aakolokoshi (simbas) yamwe yomoshiongo shetu oye ya e taa dhipaga tate nameme naantu yalwe oyendji momukunda gwetu nopwaa na nando etompelo lyasha.



Omumbisofi Kivengere waUganda

Mbalambala onda kwatwa kombe-po nokeiuvo ndyoka kutya, ngamu kandi na esiku limwe nandi ka dhimina po aalumentu mboka aawinayi naakolokoshi omanga omutse gu li kumwe nothingo. Onda gana kutya ondi na okukala ndi ya tonde sigo okesiku lyokusa kwandje.

Okuza kesiku ndyoka onda hiti mondholongo yuwinayi notandi ku lombwele kutya oyo oheli. Ihe nena manga aalumentu mbaka ya li taa popi, ondu uvu ewi tali galikana komushigakano; tali ti: "Tate, ya dhimina po oshoka kaa shi wo shoka taa ningi." Ewi lyalya-Jesus sho lya thiki momakutsi gandje, omweelo gwondholongo yandje ogweeguluka nombepo ompe oye ya mo, mombepo yandje ndjoka ya nganda kuutondwe nokondjahi.

Ngashingeyi kandi na we sha shoka te vulu shaashi oku mu indila edhimopo lyoondjo, nongaashi itandi vulu we okukala inaandi dhimina po aalumentu mbeyaka.

OmuZaire ngwiyaka omboma ye yomeholamo yuutondwe oya tegululwa noitayi vulu we oku mu hanagula po. Oku na oonkondo dhokutula omwenyo ndhika ta dhi vulu okumangulula ombepo yoye nokupendula po/hwamekulula ohole yuumwayinathana moshilongo shetu. Oonkondo ndhika oadhi ithanwa edhiminopo lyoondjo.

Omvula dhimwe dha piti po muKenya, omwa li ethimbo edhigu kwaamboka ya tindi okugana egano lyopapolotika lyopamuhoko. Aanegumbo yamwe, omusamane nomukulukadhi gwe, mboka ya li ye na ombili megumbo lyawo nolya dhiminwa po oondjo dhawo, oya tindi okugana egano ndyoka. Onkee oya li ya dhengwa nolya hendagulwa noombe.

Esiku lya landula oya li ya kutthwa po noya falwa koshipangelo, ihe omusamane okwa hulithile moshipangelo.

Pefumviko lye opwa li aantu ngele aashona, oye thike peyovi limwe. Omuselekadhi okwiindile a more ompito yokutumbula sha. Nonando okwa li a sa uunkundi, okwa thikama nonde mu uvu ta popi ta ti: "Alitkana kehe gumwe pulakana. Manga omusamane gwandje omuholike inaa sa, okwa indile ndje ndi ye ndi lombwele kehe gumwe ngoka a li a kwathele moku dhipaga kutya: "Ngame otandi mu dhimine po, oshoka Jesus Omuwa gwandje okwe mu sila nokwa sile ndje wo."

Ngame otandi yi kegumbo megulu ndaa na nando ikonene yasha, ndele ohole ayike oku mu hola. "Omuselekadhi okwa gwedha ko ta ti: "Ngame wo otandi mu dhimine po, oshoka Jesus Omuwa gwandje okwe mu sila nokwa sile ndje wo."

Opwa li aatoolinkundana mboka ya nyola ashihe shika miifo yawo, noshiyimati shawo momundhingoloko ngwiyaka, osha li ehulitho po lyegano lya tya ngaaka, neyeto po lyombili. Medhimopo lyoondjo omu na onkondo oonene dhokumangulula nodhokupepaleka, ano okuninga omuntu omupe.

Ihe owa hala okulombwela ndje kutya shoka itashi vulika. Ongoye ku uvite ko nande nkene nde ehamekwa shili unene. Oshili osha gwana. Oto vulu ngiini okudhimi-na po shaagumwe kungoye mwe-ne.

Hwiyaka koshikulundundu shedhina Golgata, Kalunga okwa li mu-Jesus Kristus, nokwa alelwa komuti gwomushigakano. Oye okwa li ta tilehi ombinzi nomazigudhe muuwiwe nomuuwehame uululu omolwoye, nomolwandje nomolwomuntu kehe. Kolutu lwe lwa hepukwa nolu ululwa oko kwa londekwa oongunga oondulu, omutenge omudhigu gwoondjo dhakehe gumwe gwomutse.

Ngele Kalunga okuhole kehe gumwe gwomutse nohole onenenene yi thike mpoka, nena ondilo yomwenyo gwomuntu kehe oyi thike peni.

Jesus Kristus ngoka a li a alelwa komushigakano oye awilke gumwe ngoka ndi mu shi e na oonkondo ndhoka tadhil vulu oku ku longitha muuyuni mbuka wu udha uutondwe nde tau lundululile mohole.

Mokutala kuJesus tse itatu tala kwaangoka e li nokwa li oshihakanwa sheuveko okuuviwa ko pombambo kaantu, ndele otatu tala kwaangoka i igandja ye mwene momahepeko nehala ewanawa a tule kumwe omuntu ngoka e li a panagulwa muupambu owindji, nomonyankanyanka ndjoka ya tya ngaaka a shite mo omuntu omupe a gwana po a pwa.

Ngaye onde shi tseya pawino dhandje kutya koholeiyambo ye mwe-ne, ota vulu okukutha aalumentu naakiintu ya nikilwa kuutondwe, kuumbanda, komafekela, konyanya nokethindilo kongudhi e te ya lundulula ya ninga ookuume naumwayinathana.

Ondi shi shi oshoka oye okwe shi ningile ndje sho nda li inaandi itaala kutya oku na Kalunga, sho nda li ndu udha uutondwe nondjahi.

Uuna nda tsakanene naJesus komushigakano gwe, oye okwa lundulula ndje nohaluka onda tameke okuhokololela ooyakwetu yalwe ohole onkumithi yaKalunga ndjoka tayi mangulula omuntu.

WA YAGWA OSHINDJI

Oku ngaa wa li komambo go-soondaha yeti 10 lyaAguste, kOniipa, ngele ino ya ko, wa yagwa oshindji. Kokuma okwa li iipenu tayi penuka, man!

Ngame mukweni onda li ndi uvite elago sho nda mwene ompito yokukala melongelokalunga lyesiku ndyoka, oshoka kakele koshikalimo shelongelokalunga, onda mwene ko oongundu mbali, yaakiintu noyaalumentu, dha gendelathana, ototi oontsezi dhopokulombo.

"Kweleketé," aakiintu ya homona tango sho ya umpile aalumentu noluko, manga mbaka kwa li yo otowala nokutalela aakiintu mooha nondhino yoshito.

"Finyu, mbolokoto," omakanda ga ndangwa po kaakiintu, yo taa zi nokuli mokalungu tayi iholola kutya yo oonamuligolela aantu yaaha tumbu mbuyagele yowala okuninga tapa dhengwa omuntu. Aalumentu sho ya tutumuka po, yo taa yi oshidhungwe shepila lyoloko, shandje oonekulu oye ya umba koshikako ya yedha onkwalute yomutse omunene pombanda, taa ti: "E-nyowa olyeni, okuza mpaka one oonakuteleka, manga tse tatu kala kolupundi lwakalangula-kotokeni tuu omatepi."

Kapwa li ondjuvanene yasha pokati komagongalo Ongwediva nOniipa, ihe nani manga aalumentu yokOniipa taa tulwa koseevena, nooR.100-22 kaakiintu, manga aalumentu ye li owala R100, yo nani noyokOngwediva aakiintu oya sindana nomwaalu gu thike R274,23, manga aalumentu ya sindikila momwaalu gu thike R268-46.

Epulo ndyoka tali inyenge momadhiladhilo gaalumentu yokOniipa nosho yokOngwediva olya faathana ishewe, nolyo ndika kutya oluko lwaantu ndono twa potekwa pomake otalu kala kutse sigo uunake?

S.I.Nambahu

Oshilonga molupe lwoluhodhi

Ets:kilo: OMUSITA OYE O MUHEKELEKI

ku M.I. Amadhila (Tala etameko mOmukwetu No.15)

OSHIKAKO 1: OMUNTU OTA
YI MONKALO YOKUNKWA:

Osha yela kutya Kalunga okwa tu ninga ngaaka hatu vulu pamukalo gwotumba nogwongandi okuhumbata uuyehame, oluhodhi niiponga iinenene nokuli. Onkee tuu, oluhodhi ngele olunene unene, ohatu kala ethimbo lyontumba, twa kunkwa kwaashoka sha ningwa po.

Oshinima shika shokukala omuntu wa kunkwa nomadhiladhilo ga fa ga thikama ethimbo lyontumba nowa nyengwa okwiitaala shoka sha ningwa po, otu shi oku sh' pandulila Kalunga, oshoka otashi tu kwatha nokukelela twaa teyagulwe nokuhatwa pevi mbalambala kwaashoka sha ningwa po.

Onkalo ndjika yekunkwo noyomadhiladhilo itaaga ende, otashi vuluka tayi kala uule woomnute dhimwe, ootundi dhimwe nenge omasiku gamwe. Ashike ngele otayi tsikile uule wiwike yontumba, nena ngika ope na sha sha puka nekatho lyaahungi mwenyonyo otali pumbiwa, ope nakusoluhodhi a tya ngaaka a kwathwe a vule okumanguluka ko kunakusa, ye a tsikile okukalamwenyokee mu na.

Oshiholelwa shimwe shi shi okutumbulwa mpaka mekwatathano nonkalo ndjika yokukunkwa osho shika. Poompito dhimwe pefumviko otatu mono omuselekadhi e na oshipala sha yela nomokuminika mboka taye mu hupulitha oti imemeha ashike. Olwindji aantu ohaa z' po taa ti, anuwa amuntu a tya ngaaka oku na eitaalo lya kola, onkee ta nyanyukwa ngaaka. Ihe oshiliyo yene otashi vulika yi li mpoka kutya omuselekadhi a tya ngaaka oku li monkalo yokukunkwa, ndjoka tayi mu kwathamanga okath'mbo sigo a vulu ishewe okukatukila konkatu tayi landula mokusa oluhodhi kwe.

Onkee onawa ngele omusita nenge omuhungimwenyo gwontumba ta koneke oshinima sha tya ngaaka shokukunkwa mugumwe gwaayakulwa ye, a se oshimpwiyu okutalela po omuntu a tya ngaaka mbala, sho e shi shi kutya onkalo ya tya ngaaka itayi kala olule nuuna tayi hulu po omuntu ngoka ota pumbwa ekwatho, ope a taambe shoka she ya po.


Nokuli poompito dhimwe ngele nani onkalo ya tya ngaaka otayi tsikile ethimbo ele unene, nena onawa ngele omuhungimwenyo ta tsu omuntu a tya ngaaka omukumo a lile nenge a holole omaluvito e gomuule puuyelele nokuzim'na shoka, sigo oompoka a nyengwa oku shi zimina. Oshinima shimwe shoka hashi vulu okukwatha omuntu ngoka e li monkalo ndjika, osho ilonga. Omuntu a tya ngaaka onawa ngele ta pewa ompito yokulonga uulunga mboka ta vulu, otashi kwatha unene shi vulithe ngele ta ningilwa ashihe kuyalwe. Iikwatakwata, oya nika edhilo.

OSHIKAKO 2: OMUNTU OTA
TAMEKE OKUHOLOLA OMA-
TUKULUKO GOMUULE WOME-
WENYO: Shika ota shi tameke pethimbo ndyoka omuntu ta tameke okukoneka nokudhimbulula ekanitho lye mpoka l' thihe. Pomathimbo nomathimbo, pwana nando elondodho lyasha, meni lyetu otamu itumbu ehale enene kaali shi kupangelwa lyokuholola oluhodhi lwetu kuyalwe naashoka tu uvite meni mwii. Na onawa ngele omuntu ote shi n'ngi lela, kutya a holole shili puuyelele omatukuluko ga tya ngaaka gomuule womwenyo naashoka naanaa u uvite tashi inyenge meni muule molukolo lwe mwii.

Ishewe sho twa pewa uumpunda womahodhi, osha pumbiwa wotu u longithe, uuna ndoka pe na etompelo ewanawa. Aalumentu nayo wo oya kwatelelwa mo oshinima shika nonando mi'longo yi ili noyi ili nomoongundu dhaantu dhi ili nodhi ili, aalumentu oya talwa kutya kaye na nando okulila. Okulila aniwa oshinima shaakiintu ashike naana. Okamati okashona ngele oki ihata po nenge ki ipumu komunwe gwokompadhi e taka tameke okulila, nena otaka lombwelwa taku ti: "Ino lila mumati, oshoka aalumentu ihaa lili". Osho ngeyi omunona omumati ta koko neuvuko ndika iyopombambo kutya ye ke na kulila, oshoka omulumentu.

Ashike omatukuluko ngaka gomuule womwenyo ohaga adha aantu ayehe, aalumentu naakiintu. Onkee okukambadhala oku ga thindila pevi nokuga nina, kutya aniwa omulumentu, otashi ningi omuntu sha shilwe shi ili shaa shi omuntu. Oto ningi nduno oshinima oshish'ke mbela! Ngoye omuntu ashike!

OSHIKONGI OSHINENE SHO LWF MUHONGARY



Oshigongi oshinene shOngongahangano yaAakwaluther muuyuni osha uthwa shi ka kale ko, Kalunga ngele e shi hala, muHungary moshilando Budapest '984.

Omumbisofi gwOngeleka Onkwaluther muHungary, dr. Zoltan Kaldy, mokutaamba ehiyo rdika okwa ti kutya muule worivula 33, moka LWF ya totwa, inaku gongalwa natango miilongo mbika yiiSosiale, ngaashi hayi itha-

nwa "second world." Miilongo mbika omu na Aakwaluther oomiliyona 8,4.

Omumbisofi nguka okwa ti: Otwi itaala kutya muHungary otamu vulu okuningilwa oshigongi shika, oshoka tse tu li morkalo ndjoka tayi gandja emanguku lyelongelokalunga nolyomatseyitho, osho wo ombepo yopapolitika noyopankalathano oyi 'nawa noyuukumwe."

OSHIKETHA SHAKHAMA

Oshiketha shiimaliwa shedhina "Sir Seretse Khama memorial," kokutya oshiketha shokudhimbulukwa Sir Seretse Khaama, osha totwa po muBotswana omasiku ga zi ko.

Omupresidende omupe gwaBotswana Dr. Quett Masire oye a tseyitha edhiko lyoshiketha sha tya ngaaka. Oshiketha shika shokudhimbulukwa nakusa, omupre-

sidende gwotango gwoshilongo shaBotswana, Seretse Khama, osha dhiladhilwa okukwatha aana mboka ye na uukambeli washana ilema, itiningili, aaposi noombolo.

Anuwa epangelo lyaBotswana olya gandja nale nokuli iimaliwa R1000 000 ongetamekitho lyoshiketha shoka.

SA A NYAMUKULA DR WALDHEIM

Oministeli yOikwapondje yaSouth Africa, omushamane Pik Botha okwa nyolela onhumwafo ikukutu kuhamushangandjai vOiwanahangano dr. Waldheim, Mombilive ei omushamane Botha okwa pula: ovawiliki moshilongo va kwatelve mo yo meengundafana osho yo Oiwanahangano, UN, i li kaleke kokule na SWAPO noi ulike okuhe na ombinga. Pefimbo olo tuu olo epangelo la S.A. ola ti ola yeululila omuvelo eenhundafana deengudu adishe nge onghendabala yopaife oya ponyo.

Monhumwafo ei omushamane Botha okwa dimbulukitha dr Waldheim kutya efindano letulo moilonga lomafaneko o UN otali ka patekena ngee eengudu adishe dopolitika moshilongo itadi talwa shi fike pamwe. Epangelo la S.A. ole shi tala sha fimana kutya dr Waldheim okudja apa a kwatele mo ovawiliki vomoshilongo aveshe meengundafana domafaneko o UN, ile moinima imwe i lili oyo tai pupaleke mokweeta po elunduluko olo tali diminwa paiwana.

Omukalo umwe oo epangelo la to kola okulandula oo shongalele sheengudu adishe moshilongo pamwe na SWAPO di konge ekandulepo lomukundu. S.A. okwa kala alushe ta popi kutya onakwiwa yoshilongo nai tokolwe keengudu adishe domeni loshilongo. SWAPO okwa kala alushe a fikama opo kutya ota kundafana ashike nepangelo la S.A. ndee hanovawiliki vomoshilongo.

Ombilive ei oya nyamukula ya dr. Waldheim oyo a nyolele epangelo la S.A. muJuni neudo, tai hokolola omafaneko o U.N. kombinga yoshitukulwa shihe na ovakwaita keengaba daAngola naNamibia, osho tashi pashukilwa kovakwaita vOiwanahangano (U.N.) Botha okwa ti okwa panda omupopyo wepangelo laAngola naZambia kutya, eekamba da SWAPO odo di li moilongo ei otadi ka patwa. Okwa londoda yo kutya ngeenge oilongo ei inai diinina omaudaneko ayo opo ovanhu va SWAPO ovo tave ya moshilongo ve uye nombili novehe na oilwifo, eshi otashi ka eta oilanduli ii.

Efimano loshinima eshi ngaashi la talika kovakalimo vaNamibia nokepangelo la S.A. kali na okudinwa, osho Botha a ti. Ota itavele yo kutya S.A. oku na okupulwa kombinga yetulo moilonga lomafaneko o U.N. osho omalongekido pailonga oku na okuningwa pehovelu opo omatanga o U.N. a halakane noshitopolwa shihe na ovakwaita. Ovatalinawa otava ti kutya oshinima eshi otashi dudu okuninga endangalati mokutula omafaneko aa moilonga.

Oshitukulwa shihe na ovakwaita otashi kambakana keengaba daAngola naNamibia. Nge nani ovakwaita vOiwanahangano ove na okuhalakana noshitukulwa ashishe eshi otashi ti ovakwaita ove na yo okuya muAngola. Naashi otashi dudu okweeta oupyakadi nge Angola okwa tale oshinima eshi onge faukilo loshilongo shaye.

Omushamane Botha ota pula yo ekoleko kutya U.N. itai ame kombinga imwe omanga S.A. inaa twikila nelongekido lokutula omafaneko moilonga. Okwa pangula

nai ounyuni moku li ameka kwao ku SWAPO osho yo dr. Waldheim mefatululo olo a ninga mafiku aa, omo ta pandulile SWAPO molwelongelokumwe nota pangula S.A. molweponokelo olo a ningila Angola.

Mokupula oU.N. i natuke ko ku SWAPO omushamane Botha okwa ti: "Oshi li meenghono doye okuninga po sha tashi pangula SWAPO noilonga yaye yefindilo kongudi noyekuni oyo ha ningie ovakalimo vaNamibia. Mokuninga ngaha oto kwafa mokushilipaleke ovanhu vomoshilongo ovo fiyo opapa tava anye kutya inava talwa shi fike pamwe vOiwanahangano."

Botha ota ekeleshi epopyo la dr Waldheim kutya okuhe na ombinga otaku ka holoka ngee omafaneko a tulwa moilonga. Vati osha tokelwa. Oku he na ombinga okwa pumbiwa tete mokwaamena epopilo leengudu adishe moshilongo mokuhovela okutula omafaneko moilonga.

OMBOGO POKATI KONGELEKA NEPANGELO

Etsakaneno pokati kaakomemo yepangelo lyaSouth Africa naawilikingeleka yomoshilongo olya li lya ningwa ngaashi sha fanekwa, meti 7 lyaAguste 1980.

Pakutongolola oonkundathana nkene dhe ende, ehokololo olya ti: "Ope na olumbogo olunene pokati kepangelo nongeleka, ihe epangelo olya pulakene neitulumo enene kwaashoka tashi tiwa kongeleka". Shika osha hololwa kaawilikingeleka poshigongi shaanankundana konima yetsakaneno lyawo naakwanepangelo.

Aniwa aawilikingeleka oya popi nokutomona iinima mbyoka ya pumbiwa okuningwa mbala, opo omukundu gwonkalathano muSouth Africa gu opalekwe nogu kandulwe po. Yimwe yomiinima mbyoka ya pulwa kongeleka oyo mbika tayi landula:

"Uukwashigwana umwe waantu ayehe muSouth Africa inaali topolwa, noye ekelehi etopagulo lyoshilongo momavigumbo gopamihoko".

■ Omumbisofi omukuluntu gwOngeleka yaAnglikana, Bill Burnett, muSouth Afri-

ca okwe shi yelitha mo nawa lela kutya ongeleka oye ekelahi omulandu gwokatongotongo pamukanka guukriste.

■ Oya pula kuningwe oshigongi shoonkundathana shopashigwana shaantu ayehe, mwa kwatelelwa aawiliki yAaluudhe mboka ye li moondholongo naamboka ye li muupongekwa.

Omumbisofi Desmond Tutu, amushanga omukuluntu gwOraata yoongeleka muSouth Africa, okwa eta efaneko kutya; opo epangelo li ulike kutya olya hala shili okuninga po omalunduluko omanene, nali itule mo shili moshinima shokweeta po uukwashigwana umwe waantu ayehe moshilongo. Nali kuthe po ooveta dhoopaasa, nali hulithe po okutumba aantu momagumbo gawo, lyo nali ete po omulandulungo gumwe gwa faathana moshilongo ashithe.

Aawilikingeleka oya popile noonkondo etokolo lyawo okuya moonkundathana nepangelo mokutumbula kutya yo inaa hala nande okweetha po omakankameno gawo.

Omumbisofi Tutu okwa ti, oshigongi osha tamekwa noshahulithwa negalikano, naawilikingeleka oya taambwa nawa.

Omusita Sam Buti, omupresidende gwOraata yoongeleka (SACC) naAmushanga gwOngeleka ya N.G. yAaluudhe okwa ti: "Oongundu ndhika mbali, ndjoka yepangelo naandjoka yoongeleka, odha kala tadhi ende pamakuthikuthi ga yooloka momadhiladhilo nomokutala iinima. Epangelo olya kala ethimbo alihe tali kambadhala okulanditha omulandu pangelo gwalyo gu taambwe ko. Ihe ope na iitsa yimwe yomwaambyoka twe yi tumbula, mbyoka ya talwa kutya oyi shi shili okutalwa nawalela kepangelo."

Omusita Peter Storey, omupresidende gwopevi gwOraata yoongeleka muSouth

Africa okwa ti: "Ope na olumbogo olunene pokati ketu. Ihe oonkundathana dhonena odha li dholela, shi vulithe poompito adhihe dilwe muule woomvula 30 dha piti. Moshito otwa kala hatu nyengagulwa nayi tatu pungilwa ponto nokatu niwe natse."

"Tse otwe shi popya mo shayela kutya tse otwi itaala kutya shika otashi vulika okuningwa, tashi pitile moonkundathana pamukalo gwombili."

Omumbisofi Tutu okwa tumbula wo kutya: "Tse inatu itaala pakanona kutya oonkondo dhepangelo otadhi vulu okweegululilwa aantu ayehe yomoshilongo muule wuusiku umwe. Ashike epangelo ngele itali itula shili moshinima shuukwashigwana umwe waantu ayehe muSouth Africa limwe alike inaali topolwa, nena natu dhimbwe thilu oshinima shoka kutya elunduluko otali vulu okuhololwa po pamukalo gwombili."

Sam Buti okwa tumbula wo ngeyi: "Inashi uka nande ngele tse ongoongeleka tatu iningi twa fa oongundu dhopapolitika, ihe otu na okukwathela mokuhololitha po ombepo ombwanawa moka oongundu ndhoka tadhi kondjithathana tadhi vulu okutsakanena nokukundathana kumwe."

Omuminisiteri gwtango ina pula aniwa nande oongeleka dhi holole omadhiladhilo gadho mekwatathano niinima mbyoka a li a tumbula, kutya oyo yi na okukala ekankameno lyoonkundathana dhawo (pre-conditions). Osho wo inee ta po nande iinima mbyoka epangelo lya kala hali yi pele Oraata yOongeleka (SACC) uusama moshito. Okwa hiya aawilikingeleka ya talele po oshitopolwa shiita, opo ya mone shoka tashi ningwa mo kepangelo lyaSouth Africa, kakele kokuyaha nokudhipaga aantu." Epangelo olyu uvaneke wo kutya aantu itaa ka tumbwa we momagumbo gawo kondhimbo.

Tala kep. 8

TU KONDJITHENI OKWAATSEYA OKULESHA

NOKUSHANGA MOSHIGWANA SHETU

- A. Aakuluntu cyendji Aaluudhe muNamibia kaye shi okulesha nokushanganga kuyo yene; ano ontseyo yekukwatathana pamishangwa kaye yina. OLUHODHI!
- B. Oyendji yomaakuluntu Aaluudhe muNamibia kaye shi okulesha nokushanganga "nawanawa." Oye shi owala okulesha nokushanganga etata: OLUHODHI!
- C. Aantu aanamupya yoludhi nduka muNamibia oye li omwaalu gwomayuvi ogendji. Oye li moofalama, momikunda dhomoshilongo, momahangano omanene giilonga ngaashi oomina, moongeshefa dhomalandithilo nomomalukanda

Yamwe oyo aakwanezimo lyoye, yamwe aashiinda shoye. Yamwe ookuume koye naashiwikile, nayamwe iilyo yegongalo lyaandjeni. Kashi na nee shilonga, aantu mbaka ayehe **AAMWANYOKO**.

- D. Tseni mbaka tu shi okulesha nokushanganga otwa gwana okwiikonakona momaiyuvo getu, opo tu dhimbulule kutya osho oshinakugwanitiwa shetu okukwatha mbaka kaaye shi okulesha nokushanganga elaka lyawo. Moku ya kwatha, nena "otat okwatha tse yene".

Nkene to vulu okukwatha

- (i) Ilongekidha okupopya naantu mbaka u shi kutya kaye shi okulesha nokushanganga, e to ya pula ngele oya hala okwiilonga okulesha nokushanganga.
- (ii) Ilongekidha oku ya totela ongundu ndjoka ngoye mwene, nenge omuntu gumwe ta vulu oku yi kwatela komeho pethimbo lyoye mwene (on part - time - basis).
- (iii) Ilongekidha okumona edheulo lyopetameko kutse (initial training) momukankalongo gwokulonga aakuluntu okulesha nokushanganga. S'ino otashi ku kwatha okukwathelakumwe nokuwilika ongundu yonakwiilonga aakuluntu nawa

Ngele ayihe mbino owe yi ilongekidhila, nena oto vulu oku tu tseyithila pakulongitha ondjukithi ngaashi tayi holoka pevi.

The Bureau of Literacy and Literature
45 Bahnhof Street
P.O. Box 21128
Telephones: 37166/37167 (working hours)
WINDHOEK
9000

Omakundo kwaaveshe hava lesha Omukwetu

Onda hala oku mu kunda ovafitaongalo novaevaangeliste novakulunhu vomaongalo pamwe nomubihofi. Onda hala okutya, amushe kundweni pamwe noshiwana ashishe shOvanamibia. Ondaka yange otai ti: "Kalen' muKalunga, Kalunga a kale munye, likoleleni komushiya kano mu hupifwe kuye. Ina mu tila, ndele kaleni mwa yomba kwaashishe tashi mu hange sholudi keshe. Kalunga tate yetu ote tu humbata alushe hamolwoilonga youyuuki twe ilonga ndele nee omolwefilonghenda laye. Iha tameke efiku ta mono ouwi, ote ku pe efimbo lile opo u li dilulule

Obatu tale ngoo apa tashi xulile, neudo oneudo ngoo, Kalunga okwa tile; "ngeenge owa hala ku li nyateka li nyateka. Nongeenge owa hala ku liyeleka, li yeleka. ndele odiva nee. "Kotoka, lungapi oshiwana sha tewa peenhele dasho opo sha tungilwa? Vati onghalo opo tai wapala, lungapi eevili dokweenda da ngabekwa? Vati oshilongo shi kale sha wapala: onghee ngoo sha ningwa omurdilo wa tulwa opetololi omolwashike? Omolwaashi, naku shininga ina konakona tete kutya: Oshinima tashi wapalele oluvala eli. Onghee ou na oku tala nawa kutya, otashi ka enda ngahelipi fiyo okexulilo.

Djikolo

Dha za kep. 7

Oonkundathana ndhika aniswa otadhi ka tsikilwa natango komeho nuumvo momutumba gwesiku alihe.

OMUKWETU

Oye oshifo shOngeleka Onkwaevangeli
paLuther yomOwambokavango.

Oha nyanyangidhwa mOshinyanyangidho
shOngeleka mOnIipa.

Omukuluntu gwoshifo omumbisofi
dr. Kleopas Dumeni.

Ondando yOmukwetu komumvo muAfrika
R 2-60, kombanda yomafuta R 5-00.

Omambesiteko pamwe noondando naga
tumwe kOmukwetu OnIipa, P/B. 2013

Ondangwa 9000

EV. LUTH. OWAMBOKAVANGO CHURCH
PRESS ONIIPA P/BAG 2013 ONDANGWA
9000